## 0.0.1 pārileyyakasuttam

- 1. ekam samayam bhagavā kosambiyam viharati ghositārāme. atha kho bhagavā pubbanhasamayam nivāsetvā, pattacīvaramādāya kosambiyam pindāya pāvisi. kosambiyam pindāya caritvā pacchābhattam pindapātapatikkanto sāmam senāsam samsāmetvā pattacīvaramādāya anāmantetvā upatthāke anapaloketvā bhikkhusangham eko adutiyo cārikam pakkāmi.
- 2. atha kho aññataro bhikkhu acirapakkantassa bhagavato yenāyasmā ānando tenupasaṅkami. upasaṅkamitvā āyasmantaṃ ānandaṃ etadavoca: "ehā'vuso ānanda, bhagavā sāmaṃ senāsanaṃ saṃsāmetvā pattacīvaramādāya anāmantetvā upaṭṭhāke anapaloketvā bhikkhusaṅghaṃ eko adutiyo cārikaṃ pakkanto'ti.
- **3.** yasmim āvuso samaye bhagavā sāmam senāsanam samsāmetvā pattacīvaramādāya anāmantetvā upaṭṭhāke anapaloketvā bhikkhusangham eko adutiyo cārikam pakkamati ekova bhagavā tasmim samaye viharitukāmo hoti. na bhagavā tasmim samaye kenaci anubandhitabbo hotīti.
- **4.** atha kho bhagavā anupubbena cārikam caramāno yena pārileyyakam¹ tadavasari. tatra sudam bhagavā pārileyyake viharati bhaddasālamūle atha kho

bjt page 162

pts page 095

<sup>&</sup>lt;sup>1</sup>pālileyyakaṃ (machasaṃ, syā)

sambahulā bhikkhu yena āyasmā ānando tenupasaṅkamiṃsu. upasaṃkamitvā āyasmatā ānandena saddhiṃ sammodiṃsu. sammodanīyaṃ kathaṃ sārāṇiyaṃ vītisāretvā ekamantaṃ nisīdiṃsu. ekamantaṃ nisinnā kho te bhikkhū āyasmantaṃ ānandaṃ etadavocuṃ: "cirassutā kho no āvuso ānanda bhagavato sammukhā dhammīkathā icchāma mayaṃ āvuso ānanda, bhagavato sammukhā dhammiṃ kathaṃ sotu'nti"

- 5. atha kho āyasmā ānando tehi bhikkhūhi saddhim yena pārileyyakam bhaddasālamūlam yena bhagavā tenupasankami. upasamkamitvā bhagavantam abhivādetvā ekamantam nisīdi, ekamantam nisinne kho te bhikkhū bhagavā dhammiyā kathāya sandassesi samādapesi samuttejesi sampahamsesi. tena kho pana samayena aññatarassa bhikkhuno evam cetaso parivitakko udapādi: "katham nu kho jānato katham passato anantarā āsavānam khayo hotī"ti.
- **6.** atha kho bhagavā tassa bhikkhuno cetasā cetoparivitakkamaññāya bhikkhū āmantesi: "vicayaso desito bhikkhave, mayā dhammo: vicayaso desitā cattāro satipaṭṭhānā. vicayaso desitā cattāro sammappadhānā. vicayaso desitā cattāro iddhipādā vicayaso desitāni pañcindriyāni. vicayaso desitāni pañcabalāni vicayaso desitā sattabojjhangā. vicayaso desito ariyo aṭṭhangiko maggo. evaṃ vicayaso kho desito bhikkhave, mayā dhammo. evaṃ vicayaso desite kho bhikkhave, mayā

dhamme atha ca panidhekaccassa bhikkhuno evam cetaso parivitakko udapādi: "katham nu kho jānato katham passato anantarā āsavānam khayo hotī"ti.

- 7. kathaṃ ca bhikkhave, jānato kathaṃ passato anantarā āsavānaṃ khayo hoti: idha bhikkhave, assutavā puthujjano ariyānaṃ adassāvī ariyadhammassa akovido ariyadhamme avinīto sappurisānaṃ adassāvī sappurisadhammassa akovido sappurisadhamme avinīto, rūpaṃ attato samanupassati yā kho pana sā bhikkhave, samanupassanā, saṃkhāro so. so pana saṃkhāro kinnidāno kiṃsamudayo kiñjātiko kimpabhavo'ti: avijjāsamphassajena bhikkhave, vedayitena phuṭṭhassa assutavato puthujjanassa uppannā taṇhā tatojo so saṅkhāro.
- 8. iti kho bhikkhave, sopi kho sankhāro anicco sankhato paţiccasamuppanno, sāpi tanhā aniccā sankhatā paţiccasamuppannā, sāpi vedanā aniccā sankhatā paţiccasamuppannā. sopi phasso anicco sankhato paţiccasamuppanno. sāpi avijjā aniccā sankhatā paţiccasamuppannā. evampi kho bhikkhave, jānato evam passato anantarā āsavānam khayo hoti.
- **9.** na heva kho rūpam attato samanupassati api ca kho rūpavantam attānam samanupassati. yā kho pana sā bhikkhave, samanupassanā sankhāro so, so pana

bjt page 164 pts page 097

sankhāro kinnidāno kiṃsamudayo kiñjātiko kimpabhavo: avijjāsamphassajena bhikkhave, vedayitena phuţthassa assutavato puthujjanassa uppannā taṇhā. tatojo so sankhāro.

- 10. iti kho bhikkhave, sopi sankhāro anicco sankhato paţiccasamuppanno sāpi tanhā aniccā sankhatā paţiccasamuppannā, sāpi vedanā aniccā sankhatā paţiccasamuppannā, so'pi phasso anicco sankhato paţiccasamuppanno, sāpi avijjā aniccā samkhatā paţiccasamuppannā. evampi kho bhikkhave, jānato evam passato anantarā āsavānam khayo hoti.
- 11. na heva kho rūpam attato samanupassati, na rūpavantam attānam samanupassati. api ca kho attani rūpam samanupassati. yā kho pana sā bhikkhave, samanupassanā sankhāro so. so pana samkhāro kinnidāno kimsamudayo kinjātiko kimpabhavo: avijjāsamphassajena bhikkhave, vedayitena phuṭṭhassa assutavato puthujjanassa uppannā tanhā tatojo so samkhāro.
- 12. iti kho bhikkhave, sopi kho saṃkhāro anicco saṃkhato paţiccasamuppanno, sāpi taṇhā aniccā saṃkhatā paţiccasamuppannā, sāpi vedanā aniccā saṃkhatā paţiccasamuppannā. sopi phasso anicco saṃkhato paţiccasamuppanno. sāpi avijjā aniccā saṃkhatā paţiccasamuppannā. evampi kho bhikkhave, jānato evaṃ passato anantarā āsavānaṃ khayo hoti.

- 13. na heva kho rūpam attato samanupassati, na rūpavantam attānam samanupassati. na attani rūpam samanupassati api ca kho rūpasmim attānam samanupassati. yā kho pana bhikkhave, samanupassanā samkhāro so. so pana samkhāro kinnidāno kimsamudayo kiñjātiko kimpabhavo: avijjāsamphassajena bhikkhave, vedayitena phuṭṭhassa assutavato puthujjanassa uppannā taṇhā. tatojo so saṃkhāro.
- 14. iti kho bhikkhave, so'pi saṃkhāro anicco saṃkhato paţiccasamuppanno. sā'pi taṇhā aniccā saṃkhatā paţiccasamuppannā. sāpi vedanā aniccā saṅkhatā paţiccasamuppannā. so'pi phasso anicco saṃkhato paţiccasamuppanno. sā'pi avijjā aniccā saṃkhatā paţiccasamuppannā. evampi kho bhikkhave, jānato evaṃ passato anantarā āsavānaṃ khayo hoti.
- 15. na heva kho rūpam attato samanupassati na rūpavantam attānam samanupassati na attani rūpam samanupassati na rūpasmim attānam samanupassati. api ca kho vedanam attato samanupassati api ca kho vedanāvantam attānam samanupassati api ca kho attani vedanam samanupassati api ca kho vedanāva attānam samanupassati. api ca kho saññam attato samanupassati api ca kho saññam attānam samanupassati api ca kho saññāvantam attānam samanupassati api ca kho saññāva attānam samanupassati. api ca kho samkhāra attato samanupassati api ca samkhāravantam

bjt page 166

attānam samanupassati api ca kho attani samkhāre samanupassati na samkhāresu attānam samanupassati, api ca kho viññāṇam attānam samanupassati api ca kho viññāṇam samanupassati api ca kho attani viññāṇam samanupassati. api ca kho viññāṇasmim attānam samanupassati. yā kho pana sā bhikkhave samanupassanā, sankhāro so. so pana sankhāro kinnidāno kiṃsamudayo kiñjātiko kimpabhavo: avijjāsamphassajena bhikkhave, vedayitena phuṭṭhassa assutavato puthujjanassa uppannā taṇhā. tatojo so sankhāro.

- 16. iti kho bhikkhave, so'pi sankhāro anicco sankhato paţiccasamuppanno. sā'pi tanhā aniccā sankhatā paţiccasamuppannā. sāpi vedanā aniccā sankhatā paţiccasamuppannā. so'pi phasso anicco sankhato paţiccasamuppanno. sāpi avijjā aniccā sankhatā paţiccasamuppannā. evampi kho bhikkhave, jānato passato anantarā āsavānam khayo hoti.
- 17. na heva kho rūpam attato samanupassati na rūpavantam attānam samanupassati na attani rūpam samanupassati na rūpasmim attānam samanupassati. na vedanām attato samanupassati na vedanām samanupassati na attani vedanam samanupassati na vedanām samanupassati na vedanām samanupassati na saññam attato samanupassati na saññam samanupassati na attani saññam samanupassati na saññāya

attānam samanupassati. na sankhāre attato samanupassati na sankhāravantam attānam samanupassati na attani sankhāre samanupassati na sankhāresu attānam samanupassati. na viñnānam attato samanupassati na viñnānam samanupassati na attani viñnānam samanupassati na viñnānam samanupassati na viñnānam samanupassati. api ca kho evam diţţhi hoti: " so attā so loko so pecca bhavissāmi nicco dhuvo sassato aviparināmadhammo"ti. yā kho pana sā bhikkhave, sassatadiţthi samkhāro so, so pana samkhāro kinnidāno kimsamudayo kinjatiko kimpabhavo: avijjā samphassajena bhikkhave, vedayitena phuţţhassa assutavato puthujjanassa uppannā tanhā. tatojo so samkhāro.

- 18. iti kho bhikkhave, so'pi saṃkhāro anicco saṃkhato paṭiccasamuppanno. sāpi taṇhā aniccā saṃkhatā paṭiccasamuppannā. sā'pi vedanā aniccā saṃkhatā paṭiccasamuppannā. so'pi phasso anicco saṃkhato paṭiccasamuppanno. sāpi avijjā aniccā saṃkhatā paṭiccasamuppannā. evampi kho bhikkhave, jānato evaṃ passato anantarā āsavānam khayo hoti.
- 19. na heva kho rūpam attato samanupassati na rūpavantam attānam samanupassati na attani rūpam samanupassati na rūpasmim attānam samanupassati. na vedanam attato samanupassati na vedanam attato samanupassati vedanāvantam attānam samanupassati na attani vedanam samanupassati na vedanāya attā-

bit page 168

nam samanupassati. na saññam attato samanupassati na saññavantam attanam samanupassati na attani saññam samanupassati na saññaya attanam samanupassati. na samkhāre attato samanupassati na sankhāravantam attānam samanupassati na attani sankhāre samanupassati. na sankhāresu attānam samanupassati. na viññāṇam attato samanupassati na viññāṇavantam attānam samanupassati na attani viññāṇam samanupassati na viññāṇasmim attānam samanupassati. nā'pi evam ditthi hoti. so attā so loko so pecca bhavissāmi nicco dhuvo sassato aviparināmadhammo'ti, api ca kho evam ditthi hoti. " no cassam no ca me siyā na bhavissāmi na me bhavissati"ti. yā kho pana sā bhikkhave, ucchedaditthi samkhāro so. so pana samkhāro kinnidāno kimsamudayo kiñjātiko kimpabhavo: avijjāsamphassajena, bhikkhave, vedavitena phutthassa assutavato puthujjanassa uppannā tanhā tatojo so samkhāro.

- 20. iti kho bhikkhave, so'pi saṃkhāro anicco saṃkhato paṭiccasampanno. sāpi taṇhā aniccā saṅkhatā paṭiccasamuppannā. sāpi vedanā aniccā saṅkhatā paṭiccasamuppannā sopi phasso anicco saṅkhato paṭiccasamuppanno. sāpi avijjā aniccā saṃkhatā paṭiccasamuppannā. evampi kho bhikkhave, jānato evaṃ passato anantarā āsavānaṃ khayo hoti.
- **21.** na heva kho rūpam attato samanupassati na rūpavantam attānam samanupassati na attani rūpam samanupassati na rūpasmim attānam samanupassati.

na vedanam attato samanupassati na vedanāvantam attānam samanupassati na attani vedanam samanupassati na vedanāva attānam samanupassati. na saññam attato samanupassati na saññāvantam attānam samanupassati na attani saññam samanupassati. na saññava attanam samanupassati. na samkhare samanupassati na samkhāravantam attānam samanupassati na attani samkhāre samanupassati na samkhāresu attānam samanupassati. na viññāṇam attato samanupassati na viññānavantam attānam samanupassati na attani viññāṇam samanupassati. na viññāṇasmim attānam samanupassati. nā'pi evam ditthi hoti. 'so attā so loko so pecca bhavissāmi nicco dhuvo sassato aviparināmadhammo'ti. nā'pi evam ditthi hoti: "no cassam no ca me siyā na bhavissāmi na me bhavissatī"ti. api ca kho "kankhī hoti vecikicchī anitthangato saddhamme" yā kho pana sā bhikkhave, kamkhitā vecikicchitā anitthangatatā saddhamme, samkhāro so. so pana samkhāro kinnidāno kimsamudayo kiñjātiko kimpabhavo: avijjā samphassajena bhikkhave, vedavitena phutthassa assutavato puthujjanassa uppannā tanhā. tatojo so samkhāro.

22. iti kho bhikkhave, so'pi saṃkhāro anicco saṃkhato paṭiccasamuppanno, sā'pi taṇhā aniccā saṃkhatā paṭiccasamuppannā. sā'pi vedanā aniccā saṃkhatā paṭiccasamuppannā. so'pi phasso anicco saṃkhato paṭiccasamuppanno, sā'pi avijjā aniccā saṃkhatā paṭiccasamuppannā. evaṃ pi kho bhikkhave, jānato evaṃ

bjt page 170

passato anantarā āsavānam khayo hotīti.